

DEUTERONÓMIO

(Wenaxarü naxümatü ga Tupanaarü mugü)

Moichéarü ore ga Iraétanüxügümaxã
nüxü yaxuxü

1 ¹Rü ñaagü nixí ga yema ore ga Moiché nüxü ixuxü namaxã ga guxüma ga Iraétanüxügü ga yexguma Arabáarü chianexüwa nayexmagügu ga natü ga Yudááarü éstewa ga Súxarü toxmaxtawa. Rü yema Arabáarü chianexü rü Paráü rü Topére rü Labáü rü Acherü rü Dichaáarü ngãxüwa nayexma.

.....

³⁻⁴Rü 40 ga taunecü marü nangupetü ga maxpüne ga Oréx i Chinaígu áégacüwa nax ínachoxüxü ga yema Iraétanüxügü. Rü Moiché rü marü nüxü narüporamae ga guma Amoréutanüxügüiarü áëxgacü ga Seú ga Ebóügu áchiücü rü guma Bachááarü áëxgacü ga Ox ga Atarúgu áchiücü ga Edréanewa. Rü yexguma norü 40 ga taunecüwa nanguxgu ga norü 11 ga tauemaciáarü ügügu, rü yexguma nixí ga Moiché Iraétanüxügümaxã nüxü yaxuxü ga guxüma ga yema ore ga Tupana namaxã nüxü ixuxü naxcax ga yema natanüxügü.

.....

Yema 12 ga ngugütaetanüxügü
rü inaxíachi

¹⁹Rü nüma ga Moiché rü ñanagürü: —Yexguma Oréxwa ítachoxügu, rü guma maxpünegü ga Amoréutanüxügü nagu áchiügünewaama taxí, yerü yemaacü nixí ga tórü Cori ya Tupana ga nanaxwaxexü. Rü nagu taxí ga yema nachica ga chianexü ga áücümaxü ga pema marü nüxü pedauxü, rü ñuxmata nawa tangugü ga Cadé-banéa. ²⁰Rü yéma nixí ga pemaxã nüxü chixuxü rü ñachaxü: “Rü marü nawa tangugü i ñaa Amoréutanüxügü nawa ngëxmagüxü i máxpüxanexü i Cori ya tórü Tupana tüxna áxü. ²¹Rü nüma ya Cori ya tórü Tupana ixícü, rü marü pexna nanaxã i ñaa naane. iRü écü nawa pexí rü nagu pexáchiügü ngëma Cori ya perü oxigüiarü Tupana nüxü ixuxürüxü! iRü taxú i pemuüexü, rü bai tá ípeyachaxáchitanüxü!” ñacharügü.

²²Natürü ga pema rü choxna peyacagü rü ñapegürügü: “¿Tau ëxna inamexü i ñuxre i tamücügü i nüxíra ngëma íxü nax yangugüaneáxücax i ngëma naane rü ñuxüchi taxcax nawoeguxü nax

tamaxã nüxũ yaxugũxũcax rü
ngexũrüüxũ i namagu tá ixĩxũ rü
ngexnerũxũne ya ñanegũgu tá
tachocuxũ?” ñaperũgũgü. ²³Rü yema
pema chomaxã nüxũ pixuxũ rü
chaxcax rü name. Rü yemacax
petanũwa chanade ga 12 ga yatũgü. Rü
wũxi tücumũwachigü nüxũ chaxuneta
ga wũxi. ²⁴Rü yema yatũgü rü inaxĩächi
rü ñnamaxpũanexũwaama naxĩ rü
Ecuarü ngatewa nangugü rü meama
nagu nixĩägũtanü ga yema naane. ²⁵Rü
yemawena rü yema naanecũax ga
nanetũarü o tanabuxgü rü taxcax nua
nanangegü, rü tamaxã nüxũ nixugü rü
ñanagũrũgü: “Rü ngẽma naane i tórü
Cori ya Tupana tüxna äxũ, rü
mexechixũ nixĩ”, ñanagũrũgü. ²⁶Natürü
ga pema rü tama yema pexĩxchaũ rü
tama naga pexĩnũe ga yema tórü Cori
ya Tupana pemaxã nüxũ ixuxũ. ²⁷Rü
pechiũgũwa rü naxcax pidexagü rü
ñaperũgũgü: “Nüma ya Cori rü tama
aixcũma tüxũ nangechaũ, rü tüxũ
ínagaxũ ga Equítuanewa nax
Amoréutanüxũgũna tüxũ yamugũxũcax
nax tüxũ nadaixũcax”, ñaperũgũgü.
²⁸Rü ñaperũgũgü ta: “Rü ñuxma ¿rü
ngexta tá taxĩ? Rü tatanüxũgü rü nüxũ
nixugũgü rü ngẽma nax nangemaxũ i
duũxũgü i tüxũ rüporamaegũxũ rü tüxũ
rümáchanemaegũxũ, rü nangemaxũ ya
ñanegü ya itaxũne ya imáchanearü
poxeguãxgũne, rü nüxũ nadaugũxũ ga
Anáxtanüxũ ga imáchanexũchixũ. Rü
guxũma ga yema nixĩ ga toxũ
íyaxoetanüächixẽxũ”, ñaperũgũgü.
²⁹Rü yexguma ga choma rü pexũ
changãxũ rü ñachagürü: “¡Taxũ i
pexoégaãegũxũ rü nüxũ pemuñexũ!

³⁰Rü yimá tórü Cori ya Tupana rü tá
pepexegu nixũ, rü nüma rü tá namaxã
nügü nadai erü pexcax nanu yema
Equítuanewa pexũ naxütanügürũxũ.
³¹Rü yexguma nachica ga chianexũwa
pichopetũxgu rü nüma ga perü Cori ya
Tupana rü ñoma wũxi i papá naxacũxe
nügüchacũgu tüxũ igaxũrũxũ meama
pexũ nigagü rü ñuxmata ñaa nachicawa
pengugü”, ñachagürü. ³²Rü woo
yemaacü pexũ nayagagũxũ, natürü ga
pema rü tama naga peyaxögü. ³³Rü
nüma nixĩ ga pemaxã inacuáxũ rü
pepexegu yaxũxũ nax nüxũ
naxunetaxũcax ga nachica ga naga tá
pipegüetanüxũ. Rü yexguma chütacü
ipexĩxgu rü üxiemamaxã pexũ nüxũ
nacuaxẽxẽ ga nama ga naga tá pexĩxũ,
rü ngunecü rü wũxi ga caixanexũmaxã
pexũ nüxũ nacuaxẽxẽ.

**Cori ya Tupana rü
Iraétanüxũgũmaxã nanu**

³⁴Rü yexguma nüxũ naxĩnũgu ga Cori
ya Tupana ga chixri nachiga nax
pidexagũxũ, rü poraãcü nanu, rü ñaa
ore pemaxã naxuegu: ³⁵“Rü bai i wũxi i
ñaa duũxũgü i chixecümagũxũ rü tá
nüxũ nadaugü i ngẽma naane i mexũ ga
norü oxigũmaxã nüxũ chixuxũ.
³⁶Natürü ya Caréx ya Yefúne nanexica
tá nixĩ ya nüxũ daucü, rü nüxna rü
nanegũna tá nixĩ i chanaxãxũ i ngẽma
naane ga marü nawa nangaxũ, yerü
nüma rü aixcũma mea chauga naxĩnũ”,
ñanagürü ga Tupana. ³⁷Rü pegagu nixĩ
ga Cori ya Tupana ga chomaxã nanuxũ
rü ñaxũ choxũ: “Woo i cuma rü
taxũtáma nawa cungü i ngẽma naane.
³⁸Rü cuchicũxü tá ngẽma nangu ya

yimá curü ngüxêëruxü ya Yochué ya Núü nane. iRü nüxü nangúchaüxêxê erü nüma tá nixí i Iraétanüxügüna naxããxü i ngêma naane!” ñanagürü ga Cori ya Tupana.

.....

Ngêma mu i guxüétüwa ngêxmaxü

6 ¹Rü ñanagürü ga Moiché: —Nüma ga Cori ya Tupana rü choxü namu nax pexü changüxêxêxüçax i ñaa mugü nax nagu pexüçax nawa i ngêma naane i tá pexna naxãxü. ²Rü ngêmaäcü i pema rü penegü rü petaagü rü tá aixcüma nüxü pengechaü ya perü Cori ya Tupana, rü tá peyanguxêxê i ngêma norü ore ñuxmatáta peyuemare. Rü ngêmaäcü ya Tupana rü tá poraäcü pexü narüngüxêxê rü tá nanamaxêxê i perü maxü i ngêma naanewa. ³Rü ngêmacax, Pa Iraétanüxügüx, rü name nixí i mea nagu pemaxê i ngêma mugü. Erü ngêxguma mea nagu pemaxêgu rü tá mexü pexü nangupetü, rü tá pimu nawa i ngêma naane i ngextá nabügü i mexü rü ñoma léche rü ira taguma ítaxuxüwa yema Cori ya Tupana perü oxigümaxã nüxü ixuxürüxü. ⁴iRü dücax, iperüxñüie, Pa Iraétanüxügüx! Rü nüma ya Cori ya tórü Tupana rü nüxicatama nixí i Cori yixüxü. ⁵iRü nüxü pengechaxügü ya perü Tupana i guxüne ya perü maxünemaxã, rü guxü i peãxêmaxã, rü guxü i perü poramaxã! ⁶iRü pegüãxêgu namaxã penguxü i guxüma i ñaa ore i ñuxma pemaxã nüxü chixuxü! ⁷iRü guxügutáma namaxã penangüxêxê i pexacügü! Rü nachigagu tá namaxã pidexagü i pepatagüwa rü ngextá ípexüxüwa, rü

ngêxguma pepeechaügu rü ngêxguma íperüdagügu. ⁸Rü ngêma nax tama nüxü iperüngümaexüçax i ñaa mugü irü pegümexêwa rü pegücatüwa peyangaxcuchix nax ngêma peyangexüçax perü cuaxruxü! ⁹iRü êcü pepataarü caxtagügu rü peaxpatagu penawümatü i ngêma mugü!

.....

¹⁴iRü taxütáma nawe perüxí i ngêma togü i duüxügü i pexna ngaicamagüxüarü tupanagü! ¹⁵Erü yimá perü Cori ya Tupana rü nüxü pechüxu rü ngürüächí pemaxã nanuxgu rü noxtacüma pexü nadai rü pexü nayariüxoxêxê. ¹⁶Rü tama name nax nüxü pexüxü ya perü Cori ya Tupana ga yexguma nachica i Máchawa nüxü pexüxgurüxü. ¹⁷iRü aixcüma mea nagu pemaxê i ngêma Cori ya perü Tupanaarü mugü rü norü ucüxêgü ga pemaxã nüxü yaxuxü! ¹⁸iRü penaxüx i ngêma mexü i Cori ya Tupana namaxã taãxêxü nax ngêmaäcü mea pexü nangupetüxüçax rü aixcüma penayaxuxüçax i ngêma mexü i naane ga perü oxigümaxã nüxü yaxuxü! ¹⁹Rü ngêmaäcü ya Cori ya Tupana rü yema pemaxã nüxü yaxuxürüxü rü tá nayabuxmüxêxê i guxüma i perü uanügü i ngêma naanewa ngêxmagüxü. ²⁰⁻²¹Rü ngêxguma wüxi i ngunexü pexacügü pexna caxgux rü ñagügu: “¿Taxacüchiga nixí i ñaa mugü rü ñaa ucüxêgü i tamaxã nüxü yaxuxü ya tórü Cori ya Tupana?” ñagügu, rü pema rü tá penangãxü rü ñapegürügü tá: “Toma ga nüxcüma rü ãëxgacü ga Equítuanecüãx ga Faraóümexêwa tayexmagü. Natürü ga nüma ya tórü Cori ya Tupana rü

norü poramaxã toxü ñanguxüxêxê.
²²Rü toma rü nüxü tatau ga yema
 ãücümáxü ga Tupana norü poramaxã
 Equítuanewa üxü napexewa ga Faraóü
 rü guxüma ga norü duüxügü. ²³Natürü
 ga toma rü toxü ñagaxü ga yema
 Equítuanewa, rü mea toxü nigagü
 ñuxmata yema naane ga tórü
 oxigümaxã nüxü yaxuxüwa toxü
 nangugüxêxê. ²⁴Rü ñuxüchi ga nüma ya
 Cori ya Tupana rü toxü namu nax mea
 tayanguxêxêxü i guxüma i ñaa norü
 mugü rü nüxü ticuaxüügüxüçax nax
 mea tüxü naxüpetüxüçax rü nüma tüxü
 namaxêxêxüçax ñuxmata ñoma i
 ngunexüwa nangu. ²⁵Rü ngëmacax i
 yixema i ñuxma rü name nixi i tórü Cori
 ya Tupanapexewa mea yanguxêxêxü i
 ngëma norü mugü, yema tomaxã nüxü
 yaxuxüürüxü”, ñapegürügü tá
 —ñanagürü ga Moiché.

**Tupana rü nüxna nachogü
 nax tama Canaáüanecüãxgüarü
 tupanetanachicünaxägüwe
 naxixü ga Iraétanüxügü**

7 ¹Rü ñanagürü ga Moiché: —Rü
 nüma ya Cori ya perü Tupana rü tá
 pexü nachocuxêxê nawa i ngëma naane
 i tá pexrü ixixü. Rü pepexewa tá
 ñanawoxü i ngëma duüxügü i 7 i
 natücumügü i pexü rümumaegüxü rü
 pexü rüporamaegüxü i Itítatanüxügü, rü
 Yerguechéutanüxügü, rü
 Amoréutanüxügü, rü Canaáütanüxügü,
 rü Ferechéutanüxügü, rü Ebéutanüxügü
 rü Yebuchéutanüxügü. ²Rü ngëxguma
 Cori ya perü Tupana pexmexgu
 nayixêëgu i ngëma natücumügü i
 duüxügü, rü ngëxguma pema rü marü

nüxü perüporamaegügu irü noxtacüma
 tá penadai rü taxütáma taxacümaxã
 pexü narüngüxmüexêxê rü bai tá i pexü
 nax nangechaütümüxügüxü! ³Rü
 ngëxgumarüxü tá ta irü taxütáma
 namaxã pixäxmaxgü i ngëma norü
 ngexügü, rü bai tá i penegü rü
 naxacügümaxã peyaxüxmaxgüxü rü
 pexacügü rü nanegümaxã
 peyaxütegüxü! ⁴Erü ngëxguma tá
 ngëmaäcü penaxüxgu rü nümagü i
 ngëmacüãx rü tá penegüxü rü
 pexacügüxü Cori ya Tupanana
 nixigachixêxê. Rü ngëmaäcü tá tomare i
 tupanaxü nicuaxüxügü, rü ngëmacax tá
 poraäcü pemaxã nanu ya Cori ya
 Tupana, rü noxtacüma tá pexü nadai, rü
 ngëxma tá ipeyarüxo. ⁵Rü ngëmacax tá
 penaxwaxe i noxtacüma nagu pepogüe i
 ngëma nachicagü i ngextã ngëma
 duüxügü norü tupanagüçax naxünagü
 nawa ñagaxü. Rü ngëxgumarüxü tá ta
 nagu pepogüe ya yimã norü nutagü rü
 naigü i namaxã natupanaãxgüxü. Rü tá
 ípenagu i norü tupanachicünaxägü. ⁶Erü
 pema rü wüxi i duüxügü i woetama
 Tupanaçax ixigüxe pixigü. Rü
 nümatama ya Tupana rü guxüma i
 nachixüanecüãxgütanüwa pexü
 naxuneta nax noxrütama i duüxügü
 pixigüxüçax —ñanagürü ga Moiché.

Moiché nanaxucuxê i Iraétanüxügü

8 ¹Rü ñanagürü ga Moiché: —iEcü
 nagu pexi i ngëma mugü i ñuxma
 pexna chaxäxü nax namáxüçax i perü
 maxü rü pimuxüçax, rü ngëmaäcü
 penayaxuxüçax i ngëma naane ga perü
 oxigümaxã nüxü yaxuxü ga Tupana!

²iRü nüxna pecuaxächie ga ñuxacü Cori ya Tupana pexna nadauxü ga namawa ga yexguma 40 ga taunecü yema nachica ga chianexü ga taxüema íxâpataxügu pexîngu! Rü yéma nixî ga pexü naxâneexêxü rü pexü naxüxü nax yemaacü nüxü nacuaxüçax ga taxacügu perüxîñuxü rü tá aixcuma peyanguxêxü i norü mugü. ³Rü woo ngüxü pexü ningexêxü rü taiya pingegü, natürü ga yixcüama rü numa ga Tupana rü daxüçüax ga paü ga manámaxã pexü nachibüexêxü woo i pema rü perü oxigü rü nüxcüma rü taguma nüxü pedauxü ga yema. Natürü yemawa pexü nüxü nadauxêxü rü tama õnaxica nixî i namaxêxü i wüxi i duüxü, natürü ngêma ore i Tupanaaxwa íxüxüxü nixî i aixcüma namaxêxü. ⁴Rü guxcüma ga guma 40 ga taunecügu rü tama pengauechiru rü bai ga nax perüchaecutüxü. ⁵iRü nüxna pecuaxächie rü yimá perü Cori ya Tupana rü pexü inayarüwexächitanüxêxü ñoma wüxi i papá nanexü inayarüwexächixêxüxü! ⁶iEcü mea naga pexîñue i ngêma norü mugü ya yimá Cori ya Tupana, rü nüxü picuaxüxügu rü mea nagu pexî i ngêma nguxêetae i pexna naxãxü! ⁷Erü numa ya Cori ya Tupana rü wüxi i naane i mexüwa tá pexü nagagü i ngextá namu i natüxcügü, rü puchugü, rü bairawegü i maxpünearü doxraewa ichuxchugüxü. ⁸Rü ngêma naanewa rü nangema i trîgu, rü chebáda, rü úba, rü iguéra, rü boxra, rü oríbu rü ira. ⁹Rü ngêma nachixüanewa rü taxütama pexoégaãxêgü naxçax i perü õna, rü taxütama pexü nataxu. Rü norü

maxpünegiüwa rü namu i fiérumü rü cóbre. ¹⁰Natürü ngêxguma pechibüeguwena rü pengãxpütüwegügu, rü name nax nüxü picuaxüüxü ya Cori ya Tupana naxçax i ngêma mexü i naane i pexna naxãxü. ¹¹iRü pegüna pedaugü nax tama nüxü perüngümaexüçax ya perü Cori ya Tupana! iRü taxü i nüxü perüxoexü i ngêma norü mugü rü norü ucuxêgü i ñuxma pexna chaxãxü! —ñanagürü ga Moiché.

.....

Tupana rü mexü namaxã naxuegu i Iraétanüxügu

11 ¹³⁻¹⁴Rü ñanagürü ga Moiché: —Ngêxguma tá pema mea peyanguxêxügu i ñaa mugü i ñoma i ngunexügu pexna chaxãxü, rü ngêxguma aixcüma nüxü pengechaügu ya Cori ya perü Tupana, rü ngêxguma nüxü picuaxüügu guxüne ya perü maxünemaxã, rü guxü i peãxëmaxã, rü ngêxguma i numa ya Tupana rü tá ípetoexügu nanapuxêxü rü ngexwacax yaxoxgu i penetü rü tá wena nanapuxêxü nax mea pexü nayaxüçax rü yaxoxüçax, rü pexü nangemaxüçax i perü trîgu, rü perü úbachixü, rü perü chíxü. ¹⁵Rü ngêxgumarüxü tá ta ya Cori ya Tupana rü nanaxügüxêxü ya maxêgü perü wocagüçax. Rü ngêmaacü tá nimu rü tagutáma pengewemü. ¹⁶Natürü name nixî i pexüãêgü nax tama texé Tupanana pexü ixigachixêxü nax tomare i tupanaxü picuaxüüguçax, rü napexe pecaxápüxügüçax. ¹⁷Erü ngêxguma tá ngêmaacü penaxüxgux, rü Cori ya Tupana tá pemaxã nanu rü

taxūtáma pexçax nanapuxêxê. Rü ngêma naane rü taxuxūtáma nawa narüxü, rü pema rü tá paxaxüchi nagu peyue i ngêma naane i mexü i pexna naxâxü. ¹⁸Rü pegüâxêgu namaxâ penguxü i ñaa ore, rü nagu perüxñüeecha! iRü pegüchacüüwa, rü pegücatüwa peyangaxcuchix i ngêma mugü nax ngêmaâcü tama nüxü iperüngümaexüçax! ¹⁹iRü ñaa oremaxâ penangüexêxê i pexacügü, rü nachigagu namaxâ pidexagü i pepatawa, rü namagüwa, rü ngêxguma pepechaügu rü íperüdagügu! —ñanagürü ga Moiché.

**Moiché rü Iraétanüxügüxü naxucuxê
nax tama ngêma togü i
duüxügücümagu naxixüçax**

18 ⁹Rü ñanagürü ga Moiché: —Ngêxguma marü nagu pechocuxgux i ngêma nachixüiane i perü Cori ya Tupana tá pexna âxü, rü tama name i naxçax pedauxütae i ngêma nacümagü i chixexü i ngêma duüxügü. ¹⁰Rü tama name i texé i petanüwa rü tümanexü itamu nax ngêma duüxügüarü tupanacax tayaguxü, rü bai i naxçax tangüxü i ngêma nawa nüxü nacuáxü i ngêma êxügüxü, rü bai tá i tüxü nangüchaüxü nax nüxü tacuáxü i ngêma yixcüra ngupetüxü, rü bai tá i naxçax tangüxü nax tayuüxü. ¹¹Rü tama name i naxçax tangux nax duêxêgüxü tatoöêxü, rü bai i naxütawa taxü nax nüxna tayacaxüçax i ngêmawa yuüexü nax êxügüxüxü nacuáxü, rü bai tá i nüxna tayaca i ngêma naâxêgümaxâ puracüexü, rü bai i nüxna tayaca i ngêma yuetaâxêçax ngêmagüxü. ¹²Erü

ya Tupana rü tama namaxâ nataâxê i ngêma duüxügü i ngêma nacümagügu maxêxü. Rü ngêmacax nixí ya Cori ya perü Tupana i pepexewa tá ínawoxüâxü i ngêma nachixüanecüâxgü, erü nümagü rü ngêma nacüma i chixexügu nixí i namaxêxü. ¹³Rü ngêmacax i pemax rü name nixí i aixcüma mea naga pexñüe ya Cori ya perü Tupana. ¹⁴Erü ngêma duüxügü i tá ípewoxüxü nawa i ngêma naane rü naga naxñüe i ngêma iyüüexü, natürü i pema rü tama pexü nanaxwaxe ya perü Tupana nax ngêma nacümagu pexixü —ñanagürü ga Moiché.

**Orearü uruxü i Moichéwena
tá ingucuchixü**

¹⁵Rü ñanagürü ta ga Moiché: —Nüma ya Cori ya perü Tupana rü tá petanüwa nanangoxêxê ya wüxi ya chauxrüxü orearü uruxü, rü pema rü name nixí i naga pexñüe. ¹⁶Rü yema nixí ga Cori ya Tupanana naxçax pecaxü ga maxpüne ga Oréxwa ga yema ngunexü ga guxâma ga pemax nagu yéma pengutaquexegüxü rü ñapegügüxü: “Tama tanaxwaxe i wena nüxü taxñüe i naga ya Cori ya tórü Tupana, rü bai i nüxü tadauxchaüxü ya daa üxü nax tama tayueüçax”, ñaperügügü. ¹⁷Rü yexguma ga Cori ya Tupana rü ñanagürü: “Choxü rü marü name i ngêma nüxü pixuxü. ¹⁸Rü choma rü tá ngêma Iraétanüxütanüwa chanangoxêxê ya wüxi ya curüxü orearü uruxü. Rü nüma rü wüxi ya natanüxü ixñcü tá nixí. Rü nüma rü tá mea duüxügümaxâ nüxü nixu i ngêma choma namaxâ nüxü chixuxü, rü tá namaxâ nüxü nixu i

ngêma choma chanamuxũ. ¹⁹Rü guxãma ya yíxema tama nüxũ irüxinüexe ya yimá orearü uruxũ chauégagu nüxũ ixuxũ, rü choma rü tá tüxna chaca rü taxaciçax tama itaxinüxũ”, ñanagürü choxũ ga Cori ya Tupana —ñanagürü ga Moiché.

.....

**Tupana rü Iraétanüxügümaxã
inaxuneta rü tá nüxũ narüngüxêxê
ega naga naxinüegu**

30 ¹Rü ñanagürü ga Moiché: —Ngëxguma tá pexçax ñnanguxgux i guxũma i ngêma ñuxma pemaxã nüxũ chixuxũ i Tupanaarü ngüxêê rü ngëxgumarüxũ ta i norü poxcu, rü ngëxguma ngêma perü chixexügagu Cori ya perü Tupana rü togü i nachixüanegu pexũ nawoonegu, rü ngêma tá nixĩ i nüxna pecuaxächixiexũ i ñaa ore i ñuxma pemaxã nüxũ chixuxũ. ²⁻³Natürü ngëxguma ñuxma pemaxã nüxũ chixuxürüxũ aixcuma naxçax pewoeguxgux ya Cori ya Tupana, rü aixcuma naga pexinüegu i guxũne ya perü maxünemaxã rü guxũ i peãxëmaxã i pema rü pexacügü, rü ngëxguma i nüma ya Cori ya perü Tupana rü tá inanaxoxêxê i ngêma poxcu i naga pemaxã naxinüxũ, rü tá nüxũ pengechaütümüxũ. Rü pexũ tá nade nawa i ngêma nachixüanegü ga naga pexũ nawoonexũ nax wena wüxiwa pengexmagüxüçax. ⁴Rü woo ngêma petanüxügü i yáanegu woonexũ, rü nüma ya perü Cori ya Tupana rü tá ngëxma naxçax nayadau rü tá nanawoeguxêxê. ⁵Rü nüma ya Cori rü tá wena pexũ nawoeguxêxê naxçax i

ngêma naane ga perü oxigü nawa yexmagüxũ. Rü pema rü tá wena nawa pengexmagü rü nüma ya Tupana rü tá pexũ narüngüxêê, rü tá pexũ nimuxêxê perü oxigüarü yexera. ⁶Rü nüma ya perü Cori ya Tupana rü peãxëwa rü petaagüãxëwa tá nayanaxoxêxê i ngêma perü chixexũ nax ngêmaacü aixcuma nüxũ pengechaügüxüçax perü maxünemaxã rü peãxëmaxã nax wenaxarü perü naanewa pemaxëxüçax.

.....

¹⁹Rü ñoma i ngunexügu rü Tupanapexewa rü duüxügüpexewa rü pexna chaca nax pematama nüxũ pixunetaxüçax i ñngexürüüxũ tá yixixũ i penaxwaxexũ, rü ngêma maxũ rü ãxna ngêma yu? ¿Rü ngêma Tupanaarü ngüxêxê rü ãxna norü poxcu? i ÌEcü penayaxu i maxũ nax pema rü petaagü rü ta namaxëxüçax! ²⁰ÌEcü nüxũ pengechaxũ ya Cori ya perü Tupana, rü naga pexinüe, rü aixcuma peyanguxêxê i ngêma pexũ namuxũ! Erü nüma nixĩ i pexna naxãaxũ i perü maxũ rü namuxëëaxũ i perü ngunexügü nawa i ngêma naane ga tórü oxigü ga Abraãü rü Ichaã rü Acóbumaxã naxueguxũ —ñanagürü ga Moiché.

.....

**Moiché rü Yochuéxũ naxuneta nax nüxĩ
Iraétanüxügümaxã inacüaxüçax**

31 ⁷Rü yemawena ga Moiché rü Yochuéçax nangema, rü ñanagürü nüxũ napexewa ga guxũma ga Iraétanüxügü: —ÌEcü namaxã napora rü wüxigutama rüxinü! Erü cuma tá nixĩ i cuyagagüxũ i ñaa duüxügü nawa i ngêma naane ga Cori ya Tupana tórü

oxigümaxã nüxũ ixuxũ. Rü cuma tá nixĩ i namaxã quixücuxũ. ⁸Rü nümatama ya Cori ya Tupana rü cupexegu tá nixũ, rü guxũgutáma nacuxũtagu rü tagutáma cuxũ nangemüci. Rü ngëmacax tama name nax cumuũxũ —ñanagürü ga Moiché.

Moiché rü Iraétanüxũgüarü ãëxgacügüxũ namu nax duũxũgümaxã nüxũ nadaumatüxũ ga Tupanaarü mugü

⁹Rü nüma ga Moiché rü nanaxümatü ga yema Tupanaarü mugü rü ñuxũchi nüxna nanaxã ga yema chacherdótegü ga Lebítanüxũgü ga Tupanaarü mugüchixũ ingegüxũ. Rü yexgumarüxũ ta rü guxũma ga Iraétanüxũgüarü ãëxgacügü ga itaxũna nanaxã ga yema mugü ga ümatüxũ. ¹⁰⁻¹¹Rü yexguma ga nüma ga Moiché rü yema ãëxgacügüxũ naxucuxẽ, rü ñanagürü: —Guxũguma i ngëxguma norü 7 ya tauneciwa nanguuxũgu nax pegüxũ nüxũ pengechaũgüxũ i perü ngetanügü, rü ngëxguma tá nixĩ i guxũma i duũxũgüpexewa nüxũ pedamatüxũ i ñaa mugü. Rü ngëma tá nixĩ i duũxũgüpexewa pexüxũ i ngëxguma düxenügüchigaarü tauemaciwa nanguuxũgu rü guxũma i Iraétanüxũgü Tupanapexegu ngutaquexegüxũgu nawa i ngëma nachica i nümatama tá nüxũ naxunetaxũ. ¹²Rü ngëma ngunexũgu rü tá guxũtáma i duũxũgü i yatüxũgü, rü ngëxũgü, rü buxũgü, rü duũxũgü i to i nachixũanecüãx i petanügu ächiũgüxũ, rü tá nangutaquexegü nax nüxũ naxĩnüexũcax i ngëma Tupanaarü mugü nax ngëmaãcü nangúexũcax nax nüxũ nangechaũgüxũ ya tórü Cori ya Tupana,

rü nagu namaxëxũcax i guxũma i ngëma mugü i nüxũ yaxuxũ ya Cori ya Tupana —ñanagürü ga Moiché.

.....

Moichéarü yuxchiga

34 ¹Rü Moáanearü chianexũwa inaxũächí ga Moiché ga m̃axpúne ga Nébuwa nax naxũxũ. Rü yéma natapexe ga Píchagu ägaxũgu naxĩnagü. Rü guma m̃axpúne rü Yericúarü t̃oxm̃axtawa nayexma. Rü yéma nixĩ ga Cori ya Tupana nüxũ nawéxũ ga guxũma Garaáxane rü ñuxmata Dáũarü naanegu nüxũ nadauxëxẽ. ²Rü yexgumarüxũ ta nüxũ nanawëx ga naane ga Netaríarü, rü Efraíarü, rü Manachéarü, rü guxũma ga Yudáarü naane rü ñuxmata Már ga Mediteráneuwa nangu. ³Rü nüxũ nanawëx ta ga Néguearü chianexũ, rü natü ga Yudáũarü naane ga metachinüxũ, rü ñane ga Yericú ga cucunecügü nawa yexmaxũ rü ñuxmata ñane ga Chuágu nadau. ⁴Rü nüma ga Cori ya Tupana rü ñanagürü Moichéxũ: —Ñaa nixĩ i ngëma nachixũane ga perü oxigü ga Abraáũ, rü Ichaá, rü Acóbumaxã nüxũ chixuxũ rü tá nataagüna chaxãxũ. Rü ngëmacax nixĩ i chanaxwaxe nax cuxetümaxãxũchi nüxũ cudauxũ, rü woo i cuma rü taxütáma nawa cingu —ñanagürü. ⁵Rü yemawena ga Moiché ga Tupanaarü duũ rü nayu nagu ga yema Moáane, yema Cori ya Tupana namaxã naxueguxũrũxũ. ⁶Rü wüxi ga Moáanearü ngatexũgu nixĩ ga Tupana natáxũ ga Bexpeúarü t̃oxm̃axtawa, nagu ga wüxi ga nachica i ñuxmarüta

taxúema nüxũ cuáxũ. ⁷Rü nüma rü nüxũ^ú nayexma ga 120 ga norü taunecü rü yexguma rü ta meama tüxũ nadau rü naporá. ⁸Rü nüma ga Iraétanüxũgü rü 30 ga ngunexũ naxcax naxauxe ga Moáanearü chianexũwa, rü yemaacü nayanguxẽegü ga nax naxaurexũ naxcax ga Moichéarü yu. ⁹Rü nüma ga Yochué ga Núũ nane rü marü Moichéxũtawá nanayaxu ga cuax yerü

nüma ga Moiché rü naétügu naxúxmex. Rü yemacax nixĩ ga Iraétanüxũgü ga naga naxínüexũ rü naxügiãxũ ga yema Cori ya Tupana Moichémaxã nüxũ ixuxũ. ¹⁰Rü Moichéwena rü taguma nayexma ga to ga orearü uruxũ ga Iraétanüxũgütanüwa ga Moichéxũ ixĩcũ ga Cori ya Tupana namaxãxũchi idexacü.
.....